

常昭合志稿卷第二十九

人物志八 孝友

周容 張士元 趙善忱 李十二 趙良滌

朱良吉 張道原 陳貞燭 陳元吉 虞宗濟

徐植 瞿興嗣 張巽 王和 王迪

高可久 楊伸 顧坤 吳琳 居璠

徐駿 胡墳 葛潤 陳宣 殷庸秦傑

歸鉞繡 儲國本 林德 陳從相 陳士懋

孫道生 吳士志 周祿 顧憲 龔松

徐汝良 丁孺端 徐明俊濟忠 王宏昌

常昭合志稿 卷二十九 人物八 孝友

一

黃家柱 王皜徐讓 殷敏 王永昇 沈良張遵 錢某 顧璟

周文忠 薛道文 馬廷試 陳允中 蔣光祖

高志道 張映昂 韓雪 顧禹光 鄒小山

黃向堅 孫穀 方志貞 許珽 李廷璋

陳新蓀 錢建昭 邵興泳 陸安節 黃懷李

譚爾表 周時行 譚延爵 沈鑑 蘇宗芭

歸復佺 殷鉉 孫尙德 王子齡 李象琛

景流慶 王世熙文淵

潘灤應旌 鍾廷貴 陳宗嶽 王松齡 馬捷飛

曹天祐 李文龍 許一鳴 王師淹 席永昇亮 祐 智

紹珠

邵寶

仲天樂

張漢

方煥先

程大猷

馬維仁

盧秉銘

程允元

許源

陸祿

趙汝能

張廷華

王先

張國紳

譚侃奎

譚廷

何其旋

周用賢

程文魁

宗渭

李時白

徐晟

陸繩祖

唐琉

譚文賓

程濂

邵松巖

吳長生

管寶

王之鳳

翁謙

屈坤

振鏞

王寶南

鄭侍陞

鮑守義

周廷標

樊敦

沈敬文

葛光熹

張友誠

潘某

華潤

湯淵

沈崢

劉振時

楊岱

邵廣鈞

王受伯

瞿鈞

席志皋

常昭合志稿

卷二十九

人物八

孝友

二

錢用棊

震文

春慶

浦士瑜

王復曾

董士衡

陶雲錦

楊景震

景城

楊景珏

景崑 希潔 英彝 英類

黃應奎

曾浩

翁人鏡

同福

范思煌

陶貴鈞

楊希章

姚名正

尙燮

陳廷誥

汪添璋

鄭國蘭

顧夢翔

湯學箕

曾溪

馮大勳

朱貽燕

顧岳

管嘉樹

徐鈺

呂珽

項日亘

程榮

顧朝植

宗觀廷

錢渭

國棟

國柱

金鑑

李川珍 張嘉

徐元

陶開基

陸振廷

徐嘉發

汪鋈

鮑達圻

陸煥

山瑞銓

吳炳詔

孔廣瑛

王炳堃

邵昶 陳紹蕃 周鼎 周玉亭 魚寶元

李國璽 吳樹堂 邵汝楨 周念祖 顧瑞圭

黃誦芬 馬保二 沈鍾福 高維嶽 張效泉

李元瑛 徐心怡 王繼曾 王麟 施金麻

錢亮燦 瞿錫泰 李天培 吳壽柏 蕭廷詔

程五福 何周楨 李海郎 呂爾璋 魚溥

唐大椿 張樹丙 沈鍾慈 楊福曾 李大順

黃可大 蔡國華 李炳泰 曹大保 陸榮昌

張贊堯 孫士成 薛榮泰 胡元豐 鄧開洲

張潤 衛至達 徐士芳 唐德隆 蘇遵

常昭合志稿 卷二十九 人物八 孝友 三

曹通岐 何鏞 殷景雲 陳應祖 趙允璋

張孝先 王錦暉 鄧裕明 孫邦培 周定榮

顧煥章 平聯奎 李大全 蘇福祥 薛世昌

諸國鈞 程炳德 曹洪升 王大年 丁鳳池

丁秀莊 趙壽柏 李尚華 季涵 黃康年

殷校 邱鵬 呂兆淇 蘇文澤 俞濟安

繆岐 沈培 周坤 徐家纘 謝文齡

敘曰易言聖人以神道設教書曰至誠感神詩云孝子不
匱永錫爾類吾邑自周孝子歿而為神而割股廬墓者不
待上之人有所激勸而閭里間時有所聞下至梳工治工

亦且知孝於其父母美哉何古昔風俗之良乎其在讀書
稽古之家篤於天性其爲孝也固不盡由於神道之歆動
而鄉曲庸愚能以服勞奉養爲心者未必非感於周孝子
之靈之應於比爲人子者錫類尤顯而有以觸其天良也
嗚呼余每誦古人孝衰於妻子之言輒爲千古之慈父母
痛心而私妻子者往往因不孝而繼以不友夫人苟不孝
於父母安望其子之孝於父母不友於兄弟又安望其子
之友於兄弟人當不孝不友之時昏昏然蠢蠢然以爲惟
吾心之所欲爲耳豈知其子耳濡目染未有不習與性成
者迨長而一效乃翁之所爲或且變本加厲觸犯違忤操

常昭合志稿

卷二十九

人物八 孝友

四

戈闢牆理論之不可勢禁之不能而已乃以頽然老病之
身日長歎雪涕於其間而無可告訴於斯之時清夜自思
未有不追悔已之作法於涼者而已無及矣原其始則皆
私妻子之一心害之也周孝子乃遣妻以全孝者
今周神廟像並
壘夫人或者闡門式化闡範終垂刑于
之效易於允若神之至德理亦宜然
端亦冀展閱者悚然混其私妻子之心有以全乎孝而因
以全乎友也爲人物志之八

宋

周容生於乾道間父百十點簡早沒母朱氏邑南朱村人事母
備極孝養平時好義拯救患難惟恐不及邑人德之嘗爲縣

從事有事於頂山得數粟附歸遺母妻易他粟以進他日母出粟以食容心疑焉遂詬譴其妻道家者流相傳孝子幼時母目瞽餽之再明父病割股肉作羹以進不愈號泣於天天降秋雪艾嚙之而瘳唐市南地名時澤相傳爲孝子所居然其系譜在莫城周氏宋治水利御史姜源有討跋後又似莫城人也葬鎮江門外報慈里耐其父母兆陳志孝子沒後靈迹別見壇廟志兼詳金石志

張士元字允甫曾祖彥琦祖伊父孝德廸功郎世爲橫涇望族開慶中自外舍試中優等升內舍爲太學詞賦第一聲譽陡起累試奏名自內舍升行上舍事旦夕解褐而太學廢士元

常昭合志稿

卷二十九

人物八 孝友

五

恬然而已初陳方叔在太學與士元善後自合淝趨杭州以妻孥託士元家士元優廩之方叔病且死醫藥殫殫如私喪事母至孝間關跋涉扶持風雪中得筋寒疾足不良於行有火警急掖母行而股膝如初人以爲孝感舊志

趙善忱宋宗室以詞科起家官至秦州牧以母劉夫人年八十解職歸築園亭奉板輿極色養之樂一時稱之孫燭湖集

李十二父病膈瀕死十二割股取肝和藥以進而病愈朱九七朱四三皆割股療母病獲全邑令趙善括上聞旌表應齋雜著

元

趙良滢字順卿祖崇驥宋嘉定間進士以雲安軍使仕吳遂家

常熟良濂性純孝父必鑿爲海州節推沒於官值宋季道梗
良濂奉母備經患難卒以柩歸元大德間東土大饑良濂以
米二千二百石助賑延祐間又饑復賑米四百三十餘石有
司上其事都省旌其門

鄧志

朱良吉支塘人延祐乙卯冬母錢病將死良吉沐浴禱天剖胸
割心肉煮粥與母食之而愈良吉心痛不可起邑人俞浩齋
觀其創幾五寸氣騰出不能言俞爲納其心以桑白皮紙縫
合之未及期月而愈郡城宋翠巖有詩紀之

輟耕錄參翠巖集

張道原字雪齋事親孝嚴勗妻以禮敬養父年邁出游道原攜
杖隨行父艱於步負而歸必得歡心乃已元末充州吏知州

常昭合志稿

卷二十九

人物八 孝友

六

班惟志欽其孝行甚禮重之

琴川三志補記

明

陳貞字子固

按薛瑄撰墓表作陳子固字元貞

其先樂清人曾祖月嚴瑞安州

學正祖可山父益用俱不仕叔祖秀民知常熟州至正間可
山以省弟來常熟愛州之雙鳳里遂家焉貞有至性母沈患
心痛貞割股以進母食而蘇三日痛復作貞欲剔心再進母
覺之謂貞曰若爾我心益痛是夜沈夢邑神周孝子授以紫
蘇飲服之愈人以爲孝感後以張氏據吳又避地居武進以
事謫戍五開卒子洽間關冒險負骨歸葬

舊志雙鳳里志

子濟洽見

耆舊志孫璫字仲器文行純雅父母相繼沒廬墓六年目失

明一夕夢白衣人爲之洗既覺雙瞳豁然適有僧往過見白
龍盤其墓木云吳文恪詩云陳子廬親墓六年雙目瞽神龍
爲洗開孝行昭千古紀其實也桑志參吳太冲墓表曾孫灼字汝玉機
之子少有至性事親盡禮親沒廬墓蔬食三年以孝稱薦授
廣慶府經歷攝府篆有治行士民德之雙鳳里志

陳元吉名河以字行貞從子洪武中父負罪當刑元吉隨父至

京伏闕請代許之父得生還夜叩門家人以爲魂歸也閉不

納乃號泣曰兒死矣河子光亂有至性事母亦以孝聞雙鳳里志

虞宗濟字思訓安澤之孫父德良以鄉師統諸閭長坐法與長

子俱下獄宗濟謂兄曰事涉徭役國法嚴往必死父老矣兄

常昭合志稿 卷二十九

人物八 孝友

冢嗣且未有後我幸產兒可代死乃挺身詣吏白父兒無所

預吏案章訊之悉自引伏洪武四年竟斬於市年二十二祀

忠孝祠 明史參 舊志

徐植字原芳父彥達掌鄉賦徃於元季弊政賦入後期法當刑

植時年二十赴所司自陳引爲已罪臨刑賦詩云父母恩同

日月高願將一死報劬勞三杯白酒濃如鴆七尺青絲利似

刀風送斷魂歸故里月移枯骨葬荒郊遙知親族偏憐我淚

灑西風溼布袍里人立祠於河陽山良福菴府縣志 按洪武初錢沂之子

迪代父刑死沂乃更名甦迪與元吉宗濟植死時相後先事亦相類又年皆近弱冠雙鳳人以臨刑賦詩爲元吉事蓋傳聞異也雙鳳地尋割隸太倉故陶貞一先民傳畧曰嗚呼洪武之政有犯無赦所以懲元之弊也而三子者遂不蒙緹紫

之貸悲夫三子指虞
錢徐而陳不預也

瞿興嗣字華卿其先海門人父達以避兵遷常熟元初以百夫
長遷巡鹽大使轉怯憐口提領興嗣生而純慈母患癰當暑
臭穢不可近興嗣燂湯洗沐執扇驅蚊靡晝夜月餘乃休又
患積氣百藥不治割股肉作羹以進母不食已五日忽盡啖
之氣銷如失一日母思芟食時芟始花求之市不獲凡川有
芟者解衣入水覓之雙脰皆赤腫俄得三芟人以爲精誠所
感宅心仁厚單窶者必思賑給而不欲其知璫工王氏大雪
凍卧病不能興晨往以錢二十緡投窗隙而去民有告糴者
鶉衣百結興嗣受其值五千佯問曰吾性多忘若欲糴十千

常昭合志稿

卷二十九

人物八

孝友

八

耶遂如數與之歲大儉來依者數十人擇旁舍處之會癘作
病者相枕藉興嗣躬搗粥藥撫視卒賴以全嘗於道中拾遺
囊又拾契券及白金悉偵其人還之興嗣雖不讀書其篤行
雖鄒魯士不過也以子莊官贈禮部員外郎 國朝乾隆五

年追旌列祀忠孝祠

府縣志

張巽字公遜淇武中兄公讓坐事戍貴州沒有司檄取戶丁補
伍父命弟公豫往巽日出應成役易事耳居則養親立門戶
爲難巽力頗強而志慮不及吾弟弟力寡弱而應事實有所
長請任其易而遺之難者遂往

張淇志墓

王和父裕字均才仕國子學錄元末自江陰來徙和有高行兄

以建言戍雲南卒下令勾丁和先後籍其二子以代弟姪

錢志

王迪字惠吉父琪字廷珪秉禮好善喜近賢士工詩有竹居集

迪少補諸生後以貲產掄長賦稅練達世故邑令佐有疑者

多諮之父沒盡以田分給弟甥曰吾以避盈滿也居蕭溪之

上舍旁植竹千挺扁其室曰世竹以自號有閒居十詠詩

吳詩

志墓

高可久宋參知政事定子之後少以事謫戍西南以才行薦授

扶溝令左遷江山丞乞養歸里顏其堂曰錫養先世善醫能

精其術活人而不責報林大同吳訥皆有贈詩

虞鄉續記

楊伸字仲舒

一作孟舒

父福字德全年登大臺視聽不衰伸登永樂

常昭合志稿

卷二十九

人物八 孝友

九

十年進士授刑部主事福時貽書以敬爾由獄為戒旋左遷

瑞州推官乞歸事親備極孝養顏所居曰頤樂堂

曹志

顧坤字心田母病割右臂肉作羹以進遂愈又二十年母卒廬

墓三年嘉靖間詔旌其門前明邑中孝子被旌者自坤始

龔志

吳琳字潤夫幼有至性事親以孝聞正統十二年舉京兆試官

東平州學正調霸州分校順天試升汀州教授以母老乞歸

與弟瑄友愛瑄亦修謹士

錢志

居璠字永美許浦人性醇樸自其高曾以來未嘗析爨總服既

盡猶會膳一堂尊卑之間愛敬各至尤以義聞

桑志

徐駿字叔大博綜典籍著對類總龜詩文軌範又按文公家禮

及太祖孝慈錄間采先儒之論附以己見俾爲人子者習之知尊俾隆殺之道成五服集證六卷少時嘗畜鴿父撻之遂放去父亡遇鴿飛鳴思親訓涕泣不已人稱泣鴿先生

鄧志

胡墳字章伯母病顛天乞減己年以益母壽親終勺水不入口

訓徒於家雖暑不裸袒每日月蝕必率家人焚香拜於庭復明而後退其子姓世守之時之言家教者稱胡氏

錢陳二志

葛潤字孟寬宏治間人嘗剔肝療祖母疾有司以事上聞部臣

曰卽旌潤長輕生釣名之漸議遂格知縣楊子器重其孝行既沒爲治喪葬表墓復除其家

陶志

陳宣字用徵察從弟嗜吟詠善鼓琴七歲母金病拜周孝子祠

常昭合志稿

卷二十九

人物八

孝友

十

祈以身代及長父病篤刲股以進父啜之愈邑令大書孝子

二字表其門

錢志

殷庸家貧以治梳爲業得新味必奉母鄰巷社飲殺核皆不敢

食必攜以歸奉焉冬溫夏清人擬之黃香母患滯下穢污必

親除滌他孝行多類此

鄧志

後有秦傑者錫工也事盲父盡孝

嘗割股療母疾縣令累表其門

錢志

歸鉞字汝威早喪母父更娶後妻輒杖鉞每炊將熟逐之出戶

終日不得食比歸又復杖之父死母獨與其子居擯鉞不得

見鉞因販鹽市中時私從其弟問母起居致甘鮮焉正德庚

午大饑母不能自活鉞往涕泣奉迎母漸且感從之鉞既老

且死終不言後母事族子繡字伯華亦販鹽養母已乃坐市舍中賣麻與弟綿

陳志作敘

緯友愛無間緯以事坐繫繡力爲營

救至數四耗其母錢終無愠容繡妻朱氏製衣必三襲曰二叔無室豈可獨使君被完潔耶後叔妻亡有遺孤撫之如己

出歸有光作歸氏二孝子傳

王志堅傳參通志

儲國本字首卿少時有嫠婦窺而悅之私餽以金國本辭金徙舍以絕之爲諸生都講所得贄脩每日必具甘脆以奉父母夜伺父母既寢乃敢入子舍母嘗苦痢昧且往禱周孝子廟得吉占從祝史乞紫蘇少許以進母飲之病良已其後母又病復禱忽見神左目流淚疾果不起其父沒未大殮天暴雷

常昭合志稿

卷二十九

人物八

孝友

七

兩俗傳尸氣聞雷則腫國本跪中庭泣請雷即無聲將葬身

臥壙中以占燥溼廬墓終喪

陳志

林德父爲倭寇所殺嗣知讐所在委身從之屈意善事久相親

暱乃以飲饌誘之醉臥取其佩刀斷其首以歸

批燈集異

陳從相字章甫孝友端方出於天性其壻錢侍御岱園亭絕勝去從相家數武請之游徐曰老人不任走請以輿迎則又曰老人何遽乘此卒不往邑令請鄉飲固辭曰我生平有何善而敢當此盛典里黨益敬之

錢志

陳士懋字素庸西陽里人古靈先生之後幼孤事母至孝母病倭寇大至侍湯藥不肯離左右倭感其孝而去之里人因以

名其所居之堂曰孝感堂以耕讀世其家德冠鄉閭直指徐公按吳列名上聞有章服之旌又顏其堂曰上壽年九十三從弟以忠有孝感堂記

錢志

孫道生字惺如為諸生有聲性至孝嘗為父母求葬地厚其值

而主家猶靳不與道生長跪搏顙詞甚哀乃感而予之

言志

吳士志字伯高寅曾孫年八歲父母出避倭中道相失士志歸

守其廬日家人終當於此索我父沒痛欲從死其大母年九

十餘令其母強之食乃日進粥一盂淚漬枕席重裯俱爛二

母不知其夜哭也踰小祥目失明耳失聰口失音血枯骨立

見者以為人腊免喪未幾卒

府志

常昭合志稿 卷二十九

人物八 孝友

三

周祿字介夫弱冠以館精贍親對佳肴輒哽咽不食侍父疾嘗

惡以驗吉凶及殯於堂出入必告妻曹失歡於母立遣之母

亡廬墓三年島倭入犯合境奔竄祿守墓自若年九十餘卒

錢志

顧憲字叔度支塘人父落魄江淮間憲補諸生行訪父得歸倭

亂負父母入城日市甘旨以娛之人稱顧孝子

錢志

龔松字惟貞三歲而孤問父所在輒痛哭初從韋姓中正德庚

午舉人母張忽患風疾松籲天祈代一夕夢神許延母壽一

紀遂甦然自此瘖松曲意孝養歷十二年果卒松亦哀毀未

幾卒

錢志

徐汝良字冲寰待聘從弟父振德字見東萬曆十六年邑大饑
出米三千石麥三千石助賑事聞詔令建坊官光祿署正又
嘗輸銀二千兩助餉汝良由太學授中書嘗割股以愈父病
割產以償弟逋居恒退遜無富貴容錢志

丁孺端字無膠萬曆四十六年舉於鄉明年會試乙榜歸益杜
門攻苦思發蹟以顯其親家人生產勿問也至性純孝定省
無缺丁內外艱哀毀踰節歲時祭祀瀆酒伏地長慟聞者盡
心由句曲教職知岷縣事不名一錢移疾還里易簣時語不
及他囑其子曰我不及早葬兩親以有待也今抱恨以卒汝
善承我志焉錢志

常昭合志稿 卷二十九

人物八 孝友

三

徐明俊字干之諸生為童子時母陳病割股肉如拳烹以供膳
母強進一匕箸覺其腴美遂愈邑令沈夢斗廉知其事將白
監部使者旌之明俊固謝無有且曰即有之奈何幸母危殆
以沽名乃止母亡絕不火食飢則以水和糠咽之遂患監痛
嘔血而卒錢志子濟忠字良夫性亦孝友喜讀書家貧每與人
通假墳籍時詩家爭尚王李而濟忠獨有宋元風格著綴閒
集門人馮舒序而刻之舊志

王宏昌字益之父憲彥敦孝友以好任俠傾其家產遂棄故里
居湖上悒悒而卒宏昌善承父志以復故業為心事母能盡
色養勞思苦身二十餘年堂構如初遂以湖上宅歸兩弟母

亡又籍遺產以歸兄乃次起塋兆葬兩親於湖山間錢志

黃家住字汝石母陳病危拜天默禱願用身代旋割臂肉掌餘

烹於卧側陳問曰是何羹而香美若是噉之立愈邑令楊忠

烈漣給以節孝天植之額子鶴算字來仙善事親親沒時已

老猶自擔土營葬築祠墓旁勒遺訓譜牒於石錢志

王皜字子潔兩割臂肉以療親疾血書梵經以祝親壽人稱苦

孝錢志同時有徐讓王永昇殷敏者亦並以割股療親疾為邑

人所稱陳志

沈良字性本抉肝愈母疾張遵字孟循刺胸出肝以療父疾錢陳

二志又南朱村人錢某佚其名父七十歲病篤割臂肉為糜以

常昭合志稿 卷二十九 人物八 孝友 四

進父病立愈逾八十乃沒割肉時以血衣埋河澣家人不

知逾年水漲衣浮里閘知之縣旌其門顧德基集

顧璟字楚璠諸生有文譽母病劇嚙臂肉和藥以進母尋愈舊志

周文忠天性至孝五歲見母汲井輒嗚咽不已問之曰恨不能

代母勞也後出就傅必早起先辦治勞苦事妻稍失姑意即

出之姑命還婦強而後可比燕會必不與曰我事親缺甘旨

而食之能下咽乎陳志

薛道文字子明哭親失明時稱純孝舉鄉飲賓子召奎有義行

錢志

馬廷試諸生天啟中以孝旌建坊於永凝巷陶志

陳允中字道夫以選貢司訓建德升安東教諭幼失母事父素
實盡孝撫後母弟極友愛謁選遇里人流落行丐載與俱南
同舟郎亡金疑里人允中償之調護返里其所企慕者陳白
沙羅一峯之爲人錢時俊邵整程玉潤皆受業焉

陳志

蔣光祖字二如年十七父沒二弟皆幼稚光祖撫育成立完娶
後遺產悉讓於弟一無私橐生平行義不倦

蔣榮傳畧

高志道舉孝子同學錢受之贈詩云純孝能令眾慕之蕭然夏
褐與冬絺松楸清淚澆醪酒稻黍傷心供粉糝賃屋但懸薪
署匾講堂應發舊歌詩慈烏夜夜飛三匝偏揀荒墳宿一枝
瞿稼軒爲作生傳墓在浚家山尊勝菴右無子

王慶藻先
民事畧

常昭合志稿

卷二十九

人物八 孝友

五

張映昴字廣平父國璫廩生明季兵燹城中人咸遠避父年老
不能奔竄映昴藏父積薪中得免及城陷映昴仍被難年二
十九無子室王氏另見苦節

韓雪字千秋祖父病篤割股肉以療明末隱荒村以終
顧禹光字汝功號養虛奉母至孝母沒廬墓側遂終老焉里有
積欠官錢若干當事者故入禹光族禹光假貸獨償無吝色
性好客授太醫院吏目

鄒小山邑西鄒巷人父一山爲豪家子所陷斃於獄小山年甫
十四誓死復仇遍控大吏大吏袒豪家冤不白越三年巡撫
某至以剛鯁聞小山冒死往訴收豪家子亦斃於獄父冤始

雪小山性豪邁遇鄉里困乏必賙卹之縣令給樂善好施扁額萬厯中舉鄉飲賓

家述

國朝

黃向堅字端木世爲邑人父孔昭字含美崇禎癸酉由府學中舉人遂家於吳授大姚知縣尋罷兵阻不得歸流寓白鹽井教授自給音問隔絕向堅家居日夜涕泣以家事付其妻曰此行不見父母決不歸也攜一囊一盂獨行冰雪中自武岡而西從間道出洪江關厯鎮遠平越至貴陽爲孫可望戍兵所執其將程萬里詢知其故歎曰孝子也給以令符乃得前兵馬之虞幾死者數明年五月至白鹽井遇父母及從弟向

常昭合志稿

卷二十九

人物八

孝友

六

嚴俱無恙喜極哭失聲蠻獠皆爲感動踰一年得歸歸時途中與弟親扶籃輦怡怡如也始順治八年十二月訖十年六月往返二萬六千餘里吳人作樂府以傳其事而吳江潘檢討耒至投刺自稱弟子還家後孝養二十年而母沒孔昭優游林泉爲吳中耆舊年九十無疾而卒向堅年六十五矣猶孺慕哀號不再期卒著有尋親記程素善畫所寫滇中山水皆其親厯乾筆蒼秀得黃鶴山人意乾隆年旌

堯峯文鈔參畫徵續錄先

正事
畧

孫穀字君升家莫城里父應祺字吉甫舉鄉飲賓穀當崇禎末寇盜竊發村民遠徙穀侍病母獨居滌穢驅蚊目不合睫者

兩月有白腰兵闖其門穀恐驚母距門求哀賊怒斫其肩闊
絕仆地賊直入執母穀少蘇匍匐抱母曰殺我無恨求釋我
母賊搜室中貧且詞氣愿款相詫曰孝子也不可犯義而釋
之去乾隆年旌

陶貞一撰傳

方志貞字端吾小時戲母前母撫之曰兒雖孝有妻子恐不復
然即悚惕不安及娶婦孺慕不衰夜聞警欬必起父病痢志
貞嘗惡驗味父以參苓直昂誠勿進乃爲液雜酒糜中不使
知也父老無齒以小罍乞乳於鄰風雨無間父年九十四沒
志貞已六十哀毀亦卒

許嘉祐撰傳

許珽字廷玉九歲父士驥從瞿式耜參贊軍務世亂道阻音問

常昭合志稿

卷二十九

人物八 孝友

七

不迎珽因母蘇久病不忍遠離母沒卽入粵始知父殉節本
末墓已不可辨嚙指血徧漑白骨竟不能得招魂營葬廬墓
三年抱木主歸與母合葬終身不脫經帶同邑蔣伊爲題其
入粵尋親骸序後邑令陳守創給匾獎之

舊志參家傳

李廷璋字孟玉傑元孫母王病劇百藥罔效遂嚙臂肉煎糜以
進竟瘡後客揚州忽忽心動兼程歸而母已沒哀毀幾滅性
父少山旣鰥廷璋日侍左右色養維謹及卒負土成壟攀柏

哀號聞者實涕

楊彝撰傳

陳新孫字徵馨少孤力學秉性方恪雖盛暑必肅衣冠撫孤姪
如己子每誦先世遺訓含淚戒之有桂阿集

陳志

錢建昭事母至孝母誓願鎔地藏銅像一軀建昭徒步兵火中致之九華山而返其他營修梵宇飯僧財施皆申母願也巡

按秦世貞顏其廬曰孝子

錢志

邵與泳字仲潛圭潔孫品行端方早喪父事母至孝修復先世

祠墓力任之至老不倦

錢志

陸安節字貞士幼喪父念母苦節不得邀旌典徧徵詩文名愈

劬篇年七十餘猶手是編哀慕無已

舊志

黃懷李字柱源進士李遇春之孫進士黃時雨之甥父夢庚卒

遺腹生懷李於時兩家遂姓黃不忘所自因名懷李性孝友

三舉鄉飲賓撫按額旌之年八十三卒

錢志

常昭合志稿

卷二十九

人物八

孝友

六

譚爾表廩生幼孤奉母課督諸弟為經師弟子多貴顯者

陳志

周時行字進仲支塘人廩生少孤貧奉母至孝母或不怡輒長

跪泣請母為解顏鍵戶力學不逐時好有古人風

支溪小志

譚延爵字子祿康熙十年秋延爵年十八隨父叔義刈稻田中

虎突至銜其父去延爵一手持鎌一手握稻奮前擊之虎傷

目躍去父獲免

言志

沈鑑字秋輪歲貢生任來安訓導性至孝親中裙廁踰入子舍

親自浣滌讓產與弟門內雍如也

陳志

蘇宗芑翔鳳從子諸生課徒養親母張氏疽潰不治籲天求代

夢一老人指往興福寺求醫次日果遇老僧昇藥二丸而愈

及再往問寺中並無此僧也後旌孝行

通志

歸復佺字松期貢生允肅從子也父允哲字濬瞻諸生爲人易

直慈良不問生產邑中稱爲歸老佛復佺文品端雅善事母

友愛弟妹周卹族黨沒後以孝行旌

陳志

殷鉉字明遠諸生邑令張燮赦後歛租又增白糧折價鉉父元

毓不平訴於總督蠹吏石攻玉吳泰來陳堯夫等與燮合謀

誣以罪斃之於獄鉉誓復父讐奔訴督撫燮執鉉拷掠復賄

承問李分司者殺以滅口獄方急分司子忽暴亡乃停鞠會

鉉僕金恩王科控憲移獄得不死後解金陵與吳泰來同禁

俄迅雷起空中泰來震死獄遂定燮革職擬罪石攻玉斬餘

常昭合志稿

卷二十九

人物八

孝友

五

皆流鉉事母孝母沒廬墓三年後以孝行旌

府志

孫尙德字超雲魯從孫生而弱足不良於行善事父母父憐其

疾不令就傅逢人問字輒了解文義通曉世務母兄欲室之

固辭終身子處將沒以田產付兄孫俱殯葬勿立後

陳祖范撰傳

王子齡諸生事繼母以孝聞父沒時子齡適外出兩弟慮分遺

產拒其奔喪齡泣告曰吾所重者父母餘不計也入幕盡禮

終喪後仍子身而出雍正年旌

言志

李象塚家貧父病甫八歲日鬻菜菓得錢供甘旨冬無完衣族

兄象翼勸其就學以謀養辭值鄰火負病父出母亦尋出象

塚不知也復入烈焰中哀號救母再被火傷卒雍正年旌

省志

景流慶生十七日而孤及長事節母葉孝母卒哭之哀廢一目

雍正間旌 言志

王世熙字亮臣世居白茆自幼善承親志父植中年謝家務優游頤養三十餘載年臻大耋日進所欲得其歡心平生尤好

義急公乾隆年旌

言志

曾孫文瀾國學生欲建義莊未就子士

斌承父志成之並捐千金助濬白茆道光年旌

旌表續錄

平源字水心親喪廬墓士大夫多其孝行晚注陰符丹經

陶志稿

徐樞字月生諸生幼孤性孝顓旌母氏節祖墓為族人砍伐不

惜身命爭之得保全

會志

潘灤字太液幼喪母父章字游粵不返灤婚畢拜辭繼母黃子

常昭合志稿

卷二十九

人物八

孝友

二十

身至粵徧訪不得夜夢神告以閩南武平語即至武平境又

不得巷口顏武平里有老僧指示方袍朱履者曰非爾父乎

方注視間已失老僧所在灤趨前跪而呼父父不識告之故

父日記吾子左足心有赤痣驗不誣父子相抱泣束裝歸里

父沒廬墓三年乾隆年旌

言志

曾孫應旌亦幼喪母哀毀若成

人竭力事父有覲其祖墓隙地者銳身保護幾破家臨終以

曾祖饗堂未建屬其子成之道光年旌

旌表錄

鍾廷貴幼孤奉母母病嘗惡嘗藥知縣陶澐表其孝

陳志

陳宗嶽父尙倫病篤裹穢嘗之大懼赴河干願代父死遇救免

夜禱天願減年以益父算遂感疾臨危語兄弟曰身代父死

吾志遂矣。父疾得瘳，不患待奉。無人卒年三十一。時康熙四十八年五月十一日也。父病果愈，人咸謂孝感道光年旌。

王松齡字御凡，父病卧鄰，失火松齡叫天搏額，須臾反風滅火。

親終廬墓，學院張泰交題旌。

陳志

馬捷飛字晉遜，諸生祖獨授遺貲，推與兄弟共之。著梅莊集。

陳志

曹天祐字御玉，父與兄弟不相得，曲為調劑，卒使同居。式好冬

日，母失足墮河，入水負母浮數里，乃出。遂病嘔血，未幾父樓

居失火，又冒火救父受傷而斃。妻孫氏亦苦節。乾隆年旌。

府志

李文龍字驥臣，隨父渡江中流，颶作泣血叩天，俄聞異香，風止

浪息，母病殆，禱天願減己算代母尋愈。乾隆間旌。

言志

常昭合志稿

卷二十九

人物八 孝友

三

許一鳴字曾如，曾刲股療母疾，終身不自言，勤於講授，疾革莊

誦大學誠意章，正衾而逝。

陳志

王師淹字一范，諸生少孤，能固窮，嘗謂士君子不能一介不取

斷不能堯舜君民也。奉母至孝，母病癱，憂勞成疾卒。

陳志

席永昇字向曙，父扶九疾，親滌溲溺器，父沒哀毀，骨立負土築

墳，皆自經理。事母孫亦以孝聞，母壽減租，惠農并製小量以

入之。乾隆間旌。

錢陳燦撰傳

子祐智字睿若，雍正己酉舉人，選知

縣，遘末疾不赴，敦孝友，贍宗族，睦鄉里，工書善畫。孫紹洙字

文明，諸生亦工畫，竹與兒硯莊友，愛白首無間，繪怡怡圖以

示後昆，撫其從兄之孤子，世瓚業師之子，皆成立。

虞山人文續鈔小傳

曾孫亮字耕陽乾隆甲寅舉人少從武進楊湖觀游詩文得其指授晚精醫變二氏書究心養生學著真義滙參書四卷亮弟鈞字景凡常熟諸生能詩通醫兼善畫妻陳藻字翰香工花鳥鈞清小志初祜智曾與兄祜仁弟祜哲合置祠田五十畝擬積增以建義莊至祜哲曾孫存櫟得三百餘畝臨沒以屬姪元燮竟積五百十畝有奇莊遂成旌表續錄

邵實字子吉父興豪家爭墓地豪家欲置之死實傾身號救直指李廉知其事爲之申枉且旌其孝令魏允升給蓼莪載賡匾以表之曾創建廣仁局陶志稿

仲天樂家貧自少即奉養服勞撫四弟成立皆爲婚娶一家二

常昭合志稿

卷二十九

人物八 孝友

三

十餘口歡愛無間邑令陳守創表之言志

張濶字禹甸諸生早孤事母孝受業陳祖范試輒高等年八十

餘猶課讀不懈子杏奎字萼洲榜姓鄧 恩賜檢討舊志

方煥先字南枝梅李人七齡侍父膳父或他出不敢先食隨父

泛海颶風覆舟煥先獲援痛父葬魚腹翻身入海恍忽蘆葦

中有前導者瞬息達一處爲崇川之吳家沙其父在焉居民

驚歎送之歸至今吳家沙又名見翁沙夏日母疾甚思啖橘

煥先禱於樹日夕哭拜忽一橘墜下庭以進母母喜疾遂愈

父母沒廬墓三年兄早世謹事寡嫂撫孤兒女教養婚嫁無

殊已子歲早蝗出資收捕獲有秋乾隆年旌方熊續屏風館詩集

程大猷字嘉甫父游閩而沒久始知之子身出門誓不得父不返夢父曰當訪天台洪吉洪開至台果得洪姓者指示觀處脫衣裹骨歸與母合葬

言志

馬維仁字眉之母志鵬患背疽醫曰脈糝糊如有物覆其上欲定其死生庶爲之嘗惡乎嘗之告味苦醫曰可療但病已深毒將內蝕必吮之而後可卽力吮出稠膿數升神思漸清投以劑遂痊明年維仁病瘵臨死戒其妻勿哭泣傷親心又曰養子以防老也今吾先死有餘辜矣

陳志

盧秉銘年十九父廷揚疾篤醫謂必死秉銘嘗父惡知苦鹹可治急求他醫治之得愈事繼母吳亦曲盡孝道

言志

常昭合志稿

卷二十九

人物八

孝友

三

程永元字景先年六歲母病目呼號不食跪母膝上捧母目舐之人稱孝童及長鄰火延及父寢父方疾篤冒死從烈焰中負父出焦爛而卒

府志

許源其父爲人白冤忤知縣將重杖源哀泣求代不許迨杖以身覆護父知縣益怒并杖之血濺公庭憤懣致疾卒

言志

陸祿隨父公路夜飲冒雨歸路經洋塘望賢橋祿執燈前導至橋半公路失足墮河祿亟躍救不克而死次日撈得二尸父

子猶緊相抱也

言志

趙汝能父劍虞爲仇人所陷走京師擊登聞鼓汝能年十四當事拘去加嚴刑十指幾落汝成雷州汝能養母撫弟不少懈

越數年父赦歸復竭力奉養焉

言志

張廷華字節泉父以冤誣繫獄廷華詣縣請代縣令不許廷華

刺指血具狀泣訴上官上官檄釋其父父沒終喪不食酒肉

兄履道負官逋死爲之代償助嫂氏營喪葬

陳汝楫撰傳

王先字凌遠幼孤力學爲諸生事大父能盡孝養撫從弟成立

待故人子曲有恩意

陶志稿

張國紳兩割股愈母疾後兄病醫罔效亦嚙臂肉以療之以遺

產讓其弟

家傳

邑中先後以割股聞者譚侃譚廷奎侃父懷早

卒事母殷至孝廷奎諸生孝於其父曾代兄償巨債

言志

何其旋字視元事親盡孝待諸弟以和有過則艱然不悅諸弟

常昭合志稿

卷二十九

人物八

孝友

十四

亦敬憚之

陶志稿

周用賢字培初準愛日圖法歲時娛其親教育兩弟父母所遺

悉推與之居恒篤學尤邃於易著易象四卷

陳志

程文魁本新安人幼年割股療母長而事兄如父三世同居遇

里中歲荒疾疫力行賑救邑舉鄉飲賓

錢志

宗渭字南谷諸生父士縉游幕粵東沒時南谷年十五聞訃徒

步往迎旅櫬歸母病危旦夕禱天自代常恨不能事父感泣

成疾卒年三十二歲

陶志稿

李時白七歲而孤稍長服賈孝養節母既葬廬墓終喪

張國輔傳畧

徐晟徐昂父含甫好游二子必敬謹隨行在家以短榻爲輿躬

昇出入爰怒則叩頭流血色豫而後安後父目眚不敢一刻
離兄東旭早卒晟昂事寡嫂甚恭

陳鼎撰傳

陸繩祖字紹庭母方早卒繼母蕭待之少恩繩祖借婦毛孝養
不少懈父母病百計醫治經營喪葬以勞咯血死

潘篇撰傳

唐琉字荆山居徐市幼孤事母至孝貧不能娶躬操井臼以代
母勞業賣煙每晨入市見田夫野老藝煙以進冀獲微息以
養母風雨不能出則勉力爲母具飯而已枵腹母病琉抱母
慟哭絕而復蘇者再謁蹙殮葬終日飲泣不久亦卒

言志

譚文甯常熟人父光遠母氏洪家貧甚文甯力營祖父母葬以
分親憂父患不能小溲文甯親吮之母病剖股和藥進卒不

常昭合志稿

卷二十九

人物八

孝友

姜

起哀毀成膈疾卒遺言以喪服殮里黨咸稱麻衣譚孝子云
督學曹秀先給孝性合經額以獎之

家傳

程濂字學周昭文人父鍾母錢年八歲母病濂顙天求代母竟
愈常承父母志施棺藥綿衣又捐田爲義冢姊貧甚濂購鄰
屋迎歸養之以博親歡同邑陳司業祖范顏其堂曰敦睦王
司寇昶爲文志之道光間學政青給孝義垂型額孫以範亦
善體親志周恤貧乏以孝行旌

家述

邑中先後旌孝者有諸生

呂蓮及王樹聲錢邦憲陳模湯之仁程永祖王宏綬孫夔臣

江可禧王尙祐

府志

邵松巖字鶴威支塘人國子生肄業正脩書院推何二山入室

弟子累試不售遂絕意進取聞人失火勢延廳事松巖具衣冠憑父柩欲與俱燼反風熄火人以爲孝感續詩苑小傳

吳長生梅李人少孤貧紮扣爲業自食粗糲謀甘旨養母嚴冬苦被薄長生必擁被使溫始起奉母卧母患頭疽潰長生晨夕吮其毒數月而愈族孫某犯事當徙家有老父長生憫之

令子尙玉認罪竟代某徙

方熊繡屏風館文集

管寶梅李人父景山緣事徙陝寶方九歲欲隨往父不許父去不食三日嘗獨行高阜凝望不已稍長隻身就道重趼裂趾資盡一路丐食及抵陝父已瘕死尋至樁所仰天大號聞者皆實涕無力舉櫬乃檢遺骸囊負而返每過關隘必喚父數

常昭合志稿卷二十九

人物八 孝友

三

聲然後行途次遇盜窺其囊將攫之一盜曰此江南管孝子

也戒勿犯

方熊繡屏風館文集

王之鳳吳墅人家貧棄儒業賈父早沒事孀母繆曲意承歡母病危割股調羹以進立愈母沒哀痛骨立廬墓淚盡失明遵母命力行善舉常昭兩令給匾獎勵乾隆二年旌

言志

翁謙字尊光晚自號贅庵常熟人從祖天中早卒從祖母王未婚守貞撫爲後生有至性四歲本生父客死金陵櫬歸秦坡丙舍母子相依夜卧不脫衰經嘗中夜撫棺痛哭棲烏爲之悲鳴祖母王遭危疾泣禱北辰夜夢至山椒斗姆閣見楹聯云祈年願學周公且割股心同介子推覺遂剔臂肉和香附

湯進疾竟瘞本生母錢患瘍於項謙吮其毒傅藥立愈孤貧力學常飲麥湯以爲飽而讀書不輟臨卒誡子孫曰異日筮仕毋貪墨玷我家風年七十七

吳卓信撰傳

屈坤字厚載常熟諸生早失恃父貧甚坤藉遠館以養館中不

茹葷不臥褥憂父家中或斷炊無褥也父病割臂肉煮湯進

得痊人詰傷痕以疽對

陶志稿

子振鏞字聲九昭文副貢生亦

早孤養母維謹教授鄉里巨室爭聘致之

屈氏世譜

王寶南昭文徐市人父鹿鳴早卒母憂遘疾危甚寶南禱神割

股以進疾遂瘥母年九十四以壽終

言志

鄭侍陞字履吉父有登自閩來遷侍陞年五歲即知定省九歲

常昭合志稿

卷二十九

人物八 孝友

毛

父沒晝夜號哭哀動路人既長竭力營葬然後成婚嘗奉母

舟行遇風將溺泥首籲天母子獲濟母疾求醫茅山虎見之

避去人以爲孝感母至九十五歲侍陞出入抱負頃刻弗離

中裙廁踰親爲洗滌年逾七十猶如嬰兒時

王峻撰傳

鮑守義字天宜常熟人少孤業貨殖家漸起弟某誅求無藝每

曲從之弟沒復經紀其喪撫孤如子母氏吳疾割股以愈立

廣仁局於邑廟西專司收埋年七十九卒

屈成霖志墓

子孫千佐

父創收埋局並經理社倉及收嬰所力行善事以博親歡親

沒爲置祭產乾隆初郡守劉給孝義可風額道光年旌

周廷標字西園支塘人少孤遭難屢瀕危險依祖母成立及壯

撫兩弟皆投室延名師訓子嚴為人慷慨好義

支溪小志

樊敦居邑西鄉之西河角赤貧業農事母至孝乾隆五十一年

母病敦斷小指一節為羹進母病尋愈越九年母又疾勢危

殆誓剖心以療握刀割胸忽有肉如指從創孔中突出疾割

取投沸湯以進退自裹其創旋暈於地不甦亦不死閱七晝

夜始索糜粥又半月創自合母亦愈

錢用柴述

沈敬文唐市鐵工其父以罪戍西安母同去敬文欲隨往父曰

如祖宗邱壟弟妹衣食何乃止敬文思及父母必嗚咽飲泣

後襪被往覲聞關數千里抵西安母已前沒父適遇赦負母

骸扶父歸里

言志

常昭合志稿 卷二十九 人物八 孝友 矣

葛光熹支塘傭工也襁褓中喪父母鄰媪抱而育於葛事繼父

母盡孝傭工得一壺一盞必以奉親妻偶失舅姑意遂棄之

父沒光熹將賣身買棺鄰里義而助其終事每荷鋤長號路

人為之感泣又以賃舂銖積舉先世數棺並葬焉

府志

張友誠松江人早失怙恃頓沛流離始至常熟為人刺舟人愛

其誠信乃得婚娶於是徧求父母棺骸不得偶遇一老尼族

姑也為言當年兩棺借停墻間破屋屋傾柩塌聞墳丁棄骨

河干墳丁亦不存矣友誠號哭奔赴其處躍身入水鄉人援

救得不死乃刻木為兩親像飯必祭舉動必告久乃葬其像

於北麓廬墓哭泣感動路人

府志

潘某梅李人以傭作養其父嘗詣市求鮮魚歸未酬值會市人過其門某方捧魚殮以進望見市人亟趨出曰明日得傭工錢卽償汝勿貽吾老父憂也父問之答曰農事忙某拉兒遊故却之

言志

華潤字德如常熟人祖廷瓚字襄甫有隱操工書法年九十餘父爾祥生三子潤最幼生時父四十五歲矣嘗酒後一言以潤結婚於里人臨沒悔之潤既服喪袖婚帖還女家叩頭流血遂終身不娶人或詰之曰仲有子矣織齋作勞竭誠以養母有姊亦截髮不嫁誓以奉親其兩兄恒羈游於外潤與姊支持門戶篤行里中感之母年至八十八歲乃卒子仲之子

常昭合志稿

卷二十九

人物八

孝友

五

崧崧生三子元陽元春封

蘇去疾
撰傳

湯淵字渭泉唐墅人八歲失怙家貧見母茅氏紡織輒淚下少長業負販供菽水勸母暫休母曰休不且餒死耶淵大慟益竭蹶紆母勸會客至母擎茗椀立屏背呼遞出淵惶恐跪地受自傷貧不能具僕婢痛自責若無容年三十始娶妻袁氏逾年生一子而妻遽亡或諷使繼室淵曰吾已有子何忍分養母之力以養婦竟以鰥終母沒柴毀骨立哀號動路人其後家稍裕然嚴冬一被不肯置褥曰吾親昔無之吾敢求温年五十八卒先期命市棺仍視殯母之費雖力足辦勿增生平事兄如父宗黨之艱葬者慨助之鄉里之窮獨者量贖之

目不識字而拾道旁遺字最勤子若孫並循家法許進士朝
何明經忠相皆爲作傳朱侍講珩誌其墓先正事畧

沈崢字尊三沈市人母守節一弟三妹家貧不能給日販布得
微息以養爲母請官給匾撫其弟妹婚嫁以時范春休傳畧

劉振時昭文人家貧父母無帷帳振時方數歲爲持扇驅蚊終
夜不倦父沒哀痛盡禮後以貨殖起家廣施子爲母祈壽母

沒廬墓三年府志

楊岱字元峯田莊人例授布政司理問父繼祖字兆昌太學生
性孝友好施予親族賴以舉火欲設義莊未果臨沒諄諄勗
子岱捐田一千二百餘畝以贍族兼設義塾二所義墓三處

常昭合志稿

卷二十九

人物八 孝友

三

乾隆二十四年旌門給好善樂施額祀忠義祠言志岱既承父

志事母袁尤孝垂老爲孺子慕顏其室曰愛日齋曰北堂開

池鑿石栽花木以娛母善書暇輒錄先哲格言成帙刻檢身

錄以言行意爲目晝所行夜必記之獨力建宗祠及丙舍念

族姓與里人皆無力從師各爲置義塾又增置義田一千二

百畝有奇書田一千畝義冢四所其餘築隄建橋濬河比有

益於桑梓者竭力爲之遺產以讓寡嫂者幾百畝歲禮俱眾

振卹者再嘗語人曰天地生財本以供人用用得其當則吾

心與吾分俱盡也道光年旌孝子陳鶴志墓姚文田撰傳

邵廣鈞字右衡常熟諸生本生父培惠令麗水卒於官廣鈞扶

櫬回籍恆露宿柩旁嗣母沒以遺產五十畝爲祭田呈縣立

案道光年旌家述

王受伯常熟人承父遺命增置祭田輯譜系道光年旌旌表錄

瞿鈞字吧瞻昭文人家貧刻苦自勵父以事繫獄鈞日橐餽以

進俟父飯畢然後食冬夜擁敗絮讀書倦則露坐中庭寒聳

毛骨乃入室復讀父遺成山西鈞從焉時同邑季學錦官其

地憫之招至署俾得卒業舉於鄉授宿州學正以行誼矜式

後進學者稱名師家述

席志皋字巨源常熟人少失怙事母孝事兩兄如父性謹厚好

施予親友告貸無不滿其意而去兩兄相繼沒恆鬱鬱不自

常昭合志稿 卷二十九 人物八 孝友 三

得以咯血卒旌表錄

錢用棐字對廷常熟歲貢生少孤以不得事父爲恨臨祭必泣

竭力事母剉參爲末雜糜飲中以進母病祈於神願減年以

益母算並爲生母金庶母王請旌節嫡母陸沒用棐哀毀骨

立得咯血症生母金沒用棐年逾六十號慟若嬰兒庶母王

沒亦如之道光年旌子震文字幼醇諸生亦以孝行旌震文

次子春慶事祖及父母雖幼若成人祖患鼻衄春慶謹奉湯

藥命之退仍潛事左右及祖沒哀痛逾常恐益親悲拭淚勸

慰及祖服除日春慶已抱病強起具衣冠泣拜逾日卒道光

年旌順孫旌表錄

浦士瑜福山鎮人曾祖驚殉倭寇難妻葉守節撫孤四傳至士瑜生三歲而孤家中落其母汪鞠而教之母病起思粥士瑜煮米得一甌自持空盞侍其至性過人如此子恆字近倫性柔愿恂恂如不勝衣家貧販於江北一夕心悸曰吾父殆病矣急航海颶風陡作檣帆摧折前舟盡覆榜人大駭恆自操舟徑渡父果病亟晝夜侍疾割股以進竟獲瘳又數年乃卒縛草墓側日負販養母夜宿草舍中值風雨嚴坐達旦弗避也母沒慟而絕絕而蘇日三四次而妻王竟以哭姑死恆自父母沒年六十餘每祭奉栝櫓必泣嫁兩妹析家具三之曰女弟猶弟耳方父病亟時鄰夜火已延及以身蔽父風猛甚

常昭合志稿

卷二十九

人物八 孝友

三

火忽越廬而過左右鄰蕩如而恆家獨無恙

天真閣文集參茗香堂外集

道光年旌

王復曾常熟貢生父熾母張復曾至性過人雖長如孺子慕攻苦讀書冀成名慰父母父卒哀痛致疾亦卒年二十八

旌表錄

董士衡字鈞和歸市人父渠河南清化巡檢士衡性肫摯而才通達弱冠卽攻書善牋啟代父治公牘父沒以母老菽水不繼游幕皖省寄資養母以積勞死

程瑞楷撰傳

陶雲錦字聲孟昭文諸生母陸患肝病割股和藥進遂愈以生徒脩脯供甘旨爲弟妹竭力婚嫁不以貧廢禮手鈔孝義傳以述清芬道光年旌

旌表錄

楊景震字修之常熟諸生父患瘍日夜侍側母疾百方療治與妻繆躬治穢惡鄉黨賢之隱居教授多所成就兄景城字曉村歲貢生天姿秀朗爲學專一喜面規人過家述

楊景珏字惠天恬莊人嘗遭火災從烈焰中救母出自此益貧

復撤所居爲父墓其餘爲祠田弟景崑字玉山與景珏並以

孝稱侍父疾累年以勞得咯血疾父沒事後母尤謹母疾入

城求醫走三十餘里咯血復發母沒不一年亦卒景崑子希

灤字遒飛諸生詩畫皆清妙尤精篆刻輯常昭學碑錄兩邑

碑錄虞邑幽光集海虞藝文目錄歷代建元考 國朝詩媛

錄恬莊小志子英彝字彝陶英類字類越均有至性力學早

常昭合志稿 卷二十九

人物八 孝友

三

世以雙孝旌 府志參家乘

黃應奎字涵園昭文諸生父暴病不及醫藥而沒應奎引爲終身恨母病百方求治禱天求代復遠祖墓地建祠堂道光年

旌 旌表錄

曾浩字吉士常熟徐市人家貧年十四卽以貿易爲業得資卽

屬兩弟具酒饌博親歡爲兩弟延師課讀語以孝道二親並

享高壽孺慕不衰 家述

翁人鏡字朗若咸封長子常熟國子生性純孝母許沒纔七歲

一慟而絕救之良久乃蘇其父悼亡詩有云幼男具天性慘

慘莫朝食讀者傷之繼母張待之慈人鏡事如所生父任海

州學正值水災奉檄振卹人鏡贊成其事分父之勞課弟心存讀尚書悉心指授弟終身嚴憚之人鏡長不及中人豐頤廣額樂易可親卒年七十有一子同福字子攸號雲樵歲貢生省試十一次薦而未售經藝詞賦爲時所推尤善古文辭及書法邑中碑版之文多出其手性恬淡時文端方居顯秩同福家居授徒自給絕不與當事往來援例得訓導亦不就選父病刲股和藥進及卒哀痛不欲生母沒亦如之粵寇之亂避居窮鄉憂憤致疾卒年五十四著有詩古文詞家述范思煌字肇豐後改名伯堦常熟諸生與兄春林齊名工楷書性孝就學衛氏得佳果不食雖風雨必袖歸奉母鈞渚小志

常昭合志稿

卷二十九

人物八 孝友

語

陶貴鈞字秉衡常熟諸生早孤事祖母及母盡孝祖母年高多病扶持却搔承奉維謹祖母及母先後沒終身哀慕道光年旌順孫子景潞字彥卿殉粵寇之難

楊希章字綱文常熟廩生父景雲字登青諸生善草書希章少孤稟母訓讀書立品得館穀輒奉母并以贍弟家述

姚名正常熟人伯兄早世名正教養其遺孤父聖達病亟遺命建祠置產時名正亦病哀痛嘔血母黃諭以父命爲重乃節

哀治喪旋構祠祖塋前並置田百畝以成父志母卒哀毀如喪父時道光年旌旌表錄子尙燮國學生父病衣不解帶及歿

哀毀盡禮居城南距祠數里朔望必趨謁洒掃遭亂祠毀增

祠田節費購材帶病督工重建甫竣而卒年六十九 旌表 續錄

陳廷誥常熟人應祖子母病割股以進遭喪毀瘠骨立事繼母

如所生復遭大母喪慟哭成疾卒年二十三 旌表 續錄

汪添璋昭文人母沈病危添璋呼天號救刺股血和藥進母竟

愈道光年旌 旌表 錄

鄭國蘭字晚芳兄弟五人皆諸生國蘭姿尤英異性至孝母疾

侍湯藥衣不解帶以積勞病卒 旌表 錄

顧夢翔字南熊常熟諸生父病籲天求代卒不起夢翔痛絕者

再母諭之始飲泣受命母年四十日雙瞽夢翔以舌舐之十

餘年無間一目復明道光年旌 旌表 錄

常昭合志稿 卷二十九 人物八 孝友 妻

湯學箕字亦載進士愈第四子生數歲而孤幼有至性習見家

中詬誶狀喟然曰有妻子無父母矣誓不娶終其身事母少

失學為酒家傭以奉甘旨母老齒脫嚼而哺之或放飯滿地

匍匐自食之貧無傭役率短衣草屨日擔水夜滌廁以為常

母年八十餘學箕事之如一日母卒後益苦身力作累產數

千金則為大父母營葬地次父母次及己三墓相望在北山

聖果井復以餘資置田十三畝為祭掃墓田卒年七十餘卒

之日議以學箕未娶且小宗諸兄無餘子不得嗣而族中子

咸持服哭盡哀其誠孝感人也若是道光年里人上其事旌

如例 宗汝剛 撰傳

曾溪字鳳來常熟人七歲父幕遊粵東母患肝疾貧無婢媪每疾發終夕侍側無倦容巾裙廁踰必親滌焉疾亟割股和藥以進父歸感疾顙天請代父母沒哀痛逾禮終身不御酒肉

道光旌表

旌表

馮大勳字任之常熟諸生幼孤事母孝隨兄承宗負笈讀書寒暑無間兄沒哭泣盡哀兩目遂盲期年乃復明晚年絕意進取專心教子兼精醫理以孝友世其家

旌表

朱貽燕李市人嗣父鼎枚早世事嗣母張盡孝家雖貧母前未嘗見憂色母善病百方調治得愈本生父宮桂多逋累割己產償之撫異母弟成立積勞得咯血症臨終自挽以勗其子

常昭合志稿

卷二十九

人物八 孝友

美

曰臨終含淚惟呼母遺囑親書早報劉猶拳拳於母氏也工

詩嘗從孫原湘游咸豐年旌表

旌表

顧岳原名大球字陽谷昭文人父鏞疾亟岳與兄大球弟大瑞爭割股以愈親疾知府孟知縣彭旌其廬曰同胞雙孝後當

事又給額曰純孝三鳳

旌表

管嘉樹字靜溪國子生何市人父學洙母張生子四嘉樹最幼甫期失怙及長天性過人祖父錦晚年目盲嘉樹侍奉維謹

母卒三年不御酒肉咸豐年旌表

旌表

徐鈺字省齋常熟國子生少喪母事父孝父貧而好施鈺曲成其美父亦忘其爲貧也年逾五十孺慕尤篤侍父病眠食俱

廢病亟割股肉以進沒後哀毀成疾歲時祭奠涕洟終日子
弟家人罔不感泣卒以是成疾卒道光年旌家述

呂珽昭文人事父孝繼母病篤涕泣祈禱割股以進病獲瘳道

光年旌旌表錄

項日巨常熟人九歲侍繼母疾勞瘁如成人及沒恒卧柩旁父

以族譜未修為恨日巨悉心編輯典產付梓道光年旌旌表錄

程榮字鍾嶽昭文人有至性父患癰疽吮之得痊父沒鄰家火

先負母避他所而自伏父柩旁忽反風延他屋人稱孝感府志

顧朝植字春泉常熟人早失怙事母益謹兄弟間怡怡如也母

患咯血醫藥罔效朝植密作疏籲天請代母疾愈而朝植竟

常昭合志稿

卷二十九

人物八 孝友

毛

咯血死時道光元年也旌表續錄同治年旌

宗觀廷常熟人淡水廳巡檢以軍功擢臺灣府經歷母金沒於

粵東省垣觀廷聞訃哀甚念父年邁急欲赴喪次以慰父心

道光九年正月倉卒渡海覆舟死旋獲旌旌表錄

錢渭字伯山常熟諸生本生父母早沒嗣父病篤割左臂三四

次和藥以進居喪哀慟水漿不入口者數日嗣母患咯血渭

又割臂以療及沒哀毀幾絕道光年旌子岡棟字肯堂諸生

國柱字直夫從吳文學震游工詩早世有專集

金鑑常熟人父病危鑑籲天求代割股和藥進學政張給至性

過人額李如珍亦常熟人事親以孝聞學政張給砥行流芳

額張嘉永昭丈人事母及木生父母並以孝聞並道光年旌
旌表
錄

徐元字慧生常熟人家貧授徒嘗在館遇雪主人贈以綈袍受
而不御詢之愀然曰我在館寒而不飢矣我父母寒且飢敢

御綿乎所著有弗告草
海虞詩苑

陶開基常熟人母卒哀毀過禮父病目開基舌舐之逾月愈又

患痢親自裹穢竭力醫禱父沒哀甚遂得心疾卒
旌表

陸振廷常熟人五歲失父善事母家貧百計求母歡母有小恙

晝夜不眠瘳而後已念母苦節為請旌典母沒絕粒數日營

葬畢竟以毀卒道光年旌
旌表

常昭合志稿 卷二十九 人物八 孝友 五

徐嘉發常熟人傭工養親父病盲母亦患瘋嘉發侍養周至傭

工所入以供醫藥自忍飢寒不使父母知父母相繼沒竭力

殯葬外王父母乏嗣祭掃弗替道光二十七年旌
旌表

汪鋆常熟人訓蒙以養親能使親忘其貧娶妻翁生一子妻旋

卒時鋆年二十四不再娶親沒後諱日及歲時墓祭必慟哭

父素好善鋆承父志館穀所餘以周孤苦見橋梁坍塌集貲

修整之道光年旌
旌表

鮑達圻字治卿昭文人父焯病死三日蘇悟出世法往山東勞

山寺為僧達圻偵知之趁海舶歷大洋登岸越山數百里尋

得之泣求同歸不允不得已返里復具書哀懇父屏弗與通

音耗以絕後聞父沒達圻再往覓父骨不知所在每言及輒下淚引爲終身痛事母周孝母年躋大耋云

旌表錄

陸煥常熟人父病割股和藥進父遺命以祖母李苦節未旌爲恨煥具報得邀旌典建坊以成父志道光年旌

旌表錄

山瑞銓常熟人四歲母沒父患氣喘久臥牀褥自飲食以至溲溺扶持調護維謹歷二十餘年無間邑令范給孝行可風匾

獎之道光年旌

旌表錄

吳炳詔字鳳銜常熟諸生比鄰夜火母方熟睡從烈焰中負母出髮膚俱焦欲博一第以娛親力疾赴省試歸遂不起道光

年旌

旌表錄

常昭合志稿

卷二十九

人物八 孝友

五

孔廣瑛字廷昌昭文人少孤事母孝冬日河凍母忽思鮮魚婢

媪竊笑廣瑛曰古有臥冰而獲鯉者獨非爲親乎乃往詣河干以斧鑿冰尺魚躍出見者謂純孝所感道光年旌

旌表錄

王炳堃昭文監生父燾沒母方病篤炳堃晝治喪夜侍疾心力交瘁母疾獲瘳與弟同爨白首無間言咸豐年旌

旌表錄

邵昶常熟人父銳早沒母潘患目疾昶徒步求醫不遠數百里母目獲愈母沒展墓必泣每對遺像輒忘寢食遵親遺命焚

券周急學使青給孝友傳家額

旌表錄

陳紹蕃昭文人善事母妻邵亦賢孝生子三妻沒紹蕃猶壯歲人勸其再娶曰繼室不賢反累吾母不如子而兼媳之爲愈

也竟不復娶當事欲以孝行舉不就道光年旌旌表錄

周鼎常熟人少孤家貧親炊以養母母病目鼎以舌舐兩月始

愈後患癰潰又吮之而瘳歲歉自忍飢寒奉養無缺母年八

十齒盡落鼎命妻范日飲以乳道光年旌旌表錄

周玉亭王市人九歲失怙哀痛廢飲食侍奉孀母不離膝下讀

書通大義家貧就賈以養母為姊妹擇婿贈嫁悉如母意婦

程亦能孝養母年八十九沒悲號如嬰兒宅心寬厚親族貧

苦者調恤之年七十九端坐而卒同里魚寶元亦為商賈未

嘗讀書而養生送死事事盡禮鄉里稱之旌表錄

李國璽字崑岡昭文人父病割股肉以進遂愈事繼母孝家素

常昭合志稿 卷二十九 人物八 孝友 罕

儉不蓄奴婢凡飲食洗滌必躬任之卒年七十餘旌表錄

吳樹堂字蔚深明文恪公裔居吳墅父蘊輝膺痼疾賴母氏力

作以養樹堂念母氏勞苦力能代者悉任之旋遭父喪哀毀

骨立年二十四補諸生熟於史學授徒橫塘資館穀以養母

橫塘去吳墅十數里每念母輒徒步歸不顧寒暑祖姑孀迎

養於家亦承母志也旌表錄

邵汝楨常熟人七歲侍母疾終日飲泣及沒哀痛如成人父病

割股和藥以進獲瘳年十九卒旌表錄

周念祖母病足常臥鄰適火念祖抱母出復撲入奉父木主出

火灼弗避母病篤籲天求代果獲愈念祖旋病且革呼子關

鈞曰母病愈我死奚惜含笑而逝

旌表錄

顧瑞圭昭丈人少孤家貧事母能竭其力母病籲天請代病果

愈母後享大年道光年旌

旌表錄

黃誦芬字勉齋常熟諸生敦行能文父母沒恐益祖母悲輒飲

泣祖母患肝疾每發必劇誦芬割臂和藥進遂愈道光年旌

順孫

旌表錄

馬保二昭文人少孤力田養母終身不娶以兒子爲後人問故

曰吾幼失父吾母守節良苦娶婦不賢恐拂母心故不爲也

母年老多病出入扶持刻不離側道光年旌

旌表錄

沈鍾福字一純國子生雲和上塘人父廷埳號朗峯敦行好施

常昭合志稿 卷二十九 人物八 孝友 聖

鍾福精於醫投刀圭輒效就診者日以百計惠貧周急有父

風同治十年父病篤鍾福衣不解帶焚香籲天求代旋愈未

而月鍾福竟卒

旌表錄

高維嶽字崧生常熟南鄉人世業商維嶽獨奮志讀書祖母年

七十餘事之得其歡心母病嚙臂肉入藥母三咽汗出而愈

後母又病復自斫指肉入藥仍獲瘳旋以侍疾過勞病咯血

猶手一編不置竟以是疾卒年二十二

龔縉熙撰傳

張效泉自茹新墅人生七月而父家玉沒母葉苦志守節幼有

至性稍長刻苦讀書夏夜移燈帳中帳爲之墨母病割股肉

進之卽愈母沒廢書歎曰向之所以勤讀者爲顯揚計耳今

母己沒安用浮名哉遂絕意進取卒年六十六同治年旌

李元瑛字沁園常熟廩生母患癩疾家貧不能雇媪出入扶持

躬自洗穢數十年如一日及母沒念父年邁課徒以養里居

不出從游多得其指授者旌表續錄同治年旌

徐心怡字士芳自茆新市人好讀書隱於賈嘗割股療母疾嗣

母蔣早寡守節為請旌典弟某蕩產負累屢割己產償之弟

卒感悟尤好施與貧民交易恆倍其值時閒行村落訪疾苦

者貸之粟粵寇之亂流民紛至賴其存活者甚眾精六壬多

奇中年五十八卒著有卧雲軒詩集咸豐年旌子家駒諸生

王繼曾昭文人國子生父疾割股以進獲瘳調郵貧族厚施母

常昭合志稿卷二十九 人物八 孝友 聖

黨并不令母氏知也旌表續錄咸豐年旌子玉麟年九歲父疾亦

欲割股進為母氏所阻父沒竟日哀號目盡腫母病割股以

血書疏願減算十年益母壽母疾果愈旌表續錄咸豐年旌

施金麻常熟人少失怙家貧藉傭直以養母一日歸省見其婦

供膳薄謹令大歸人力勸乃免母病足出入必負之服御之

細必跪而進母沒一慟幾絕季成銑紀以詩旌表續錄

錢亮燦字重三梅李人議敘九品有至性母沒三年未嘗見齒

咸豐庚申寇至掠其父亮燦往奪之為賊所戕旌表孝子妻

周聞夫耗嘔血死家述

瞿錫泰昭文人父沒遺腹生比長每念不逮事父流涕廢食母

王邁疾累月衣不解帶卒年六十四旌表續錄同治年旌

李天培字寶和昭文人少為從父世煜後世煜旋納簞生子天

培視如同氣嗣父好善比藥病樸死皆承志為之嗣母陳病

竭力調治禱神乞代卒不起旋喪嗣父弟僅三齡天培獨任

殯葬教養幼弟經理家產增置沃壤數頃成婚後悉以歸之

晚年目盲遇父母忌日強起肅衣冠展拜涕洟竟日卒年八

十九旌表續錄同治年旌

吳壽柏字養元常熟人讀書及古人孝友事必肅然起敬一日

奉母汎舟尚湖中風浪駭作舟幾覆壽柏急解衣入水力挽

得渡眾稱神助旌表續錄

常昭合志稿卷二十九 人物八 孝友 聖

蕭廷詔常熟人早喪父兄弟姊妹共五人廷詔最幼家赤貧日

則拾薪易米夜則勤紡年將冠依姊家芻牧稍積備直賃屋

迎母温以居不以奉養諉諸兄母素畏雷遇疾風雨必起侍

牀側娶婦吳亦盡孝母年近九旬沒廷詔竭力營殯葬後遇

雷雨必奔赴跪母墓而泣卒年五十八旌表續錄同治年旌

程五福字備卿常熟人幼具至性稍長就塾聞古黃香陸續之

事喟然謂同塾友曰人子當如是也後以家貧習賈歲積所

得奉二親不蓄私財母周病嘗割肉以療侍父拭疾躬親湯

藥心力交瘁及父沒哭泣踰禮晝夜不離喪次自知腸裂不

勝哀惟屬兩弟善事母氏踰月以毀卒時道光十年三月也

年二十一

程元燾撰傳

何周楨字以凝常熟國子生父病綿悒禱天請代卒不起時年

甫十三號哭如成人奉遺命積有餘貲爲五世祖整理墳墓

以成父志卒年六十一

旌表續錄

同治年旌

李海郎常熟人父早沒母宋目盲海郎左右扶持日以傭工錢

奉母每歸購母所嗜以進或憐其貧贈以衣物跪而受之返

以遺母凡抑搔威諭之事必躬親之母臻上壽比沒海郎慟

哭成疾未幾卒年七十五

旌表續錄

同治年旌

呂爾璋昭文人母沒哀痛廢食時父已病臥恐益其悲乃節哀

侍奉越兩年父又沒一慟幾絕竟以哀毀卒距父沒祇百日

常昭合志稿

卷二十九

人物八

孝友

四

年十七

旌表續錄

同治年旌

魚溥常熟人世業農父或不豫多方勸解顏霽乃已比沒勉力

殯葬母沒典揭成殮室中設像朝夕展拜如生時卒年五十

九

旌表續錄

同治年旌

唐大椿字月橋昭文人廩生試屢冠軍少爲從父後年十四割

股療嗣父疾得愈父沒事嗣母益謹本生母有痾疾嗣母禁

不令相見大椿密往省嗣母詰之則詭辭以對或加譙讓順

受無後言疾革以不獲終事兩母爲憾

郡城旌表錄

張樹丙字辛軒昭文人父王裕因母喪哀毀成疾樹丙割臂和

藥進不愈籲天請代父疾革謂兄樹葵曰設有不幸願隨侍

地下父沒作絕命詞自經於書舍時咸豐九年四月十四日
年二十四

旌表
錄

沈鍾慈字襄臣常熟人父奎字子柔諸生有文行鍾慈幼即依
戀父母父出游必牽裾隨往稍長知勤學嘗謂其兄曰天高
地厚難報罔極當努力成名以慰親心父病侍奉湯藥衣不
解帶咸豐庚申寇至鍾慈適在城外聞警知母在家遂冒險
入城趨母行母畏蕙不前鍾慈急負母走及城闌賊騎舉槍
攔阻鍾慈奪其槍格鬪良久中槍而踣母乘間得脫鍾慈死
年十六事聞旌孝子

家
述

楊福曾常熟諸生咸豐十年城陷適父錫籌寢疾負父并掖母

常昭合志稿

卷二十九

人物八

孝友

嬰

出城人眾擁擠福曾與父俱踣忽覺有掖之者乃得出人以
爲孝感父沒哀毀成疾逾月亦卒年二十六

旌表
續錄

李大順常熟人咸豐十一年隨父避寇鄉居在文村遇賊欲刃

其父大順號呼抱父乞代賊釋其父而大順竟遇害年十三

旌表
續錄 同治年旌

黃可大常熟人父患痿疾動必需人時可大年十一侍父寢躬

奉飲食比溺器裹衣必親洗滌父得以老壽終同治元年賊
至鄉可大被掠大罵不屈賊欲刃之舉刀忽折人咸詫爲孝

感踰二年卒年四十七

旌表
續錄 同治年旌

蔡國華常熟人咸豐十年寇警迫父先奉大父母避居於鄉國

華奉母家居邑城陷賊至其家以身翼母賊刃之血交流顏色不變賊竟捨去乃乘夜負母遁至父所得脫同治五年母病藥不效割股肉以進醫來慰之泣曰母殆不起矣詰其故曰吾雖不知醫嘗糞而知其殆也此母沒痛甚常卧母柩旁得咯血疾越兩年沒年二十五

旌表 續錄

同治年旌

李炳泰根仁子根仁陣亡炳泰痛不欲生念母氏年邁制淚承

歡同治六年六月母暴病沒遂絕食死八年旌

家述

曹大保常熟人業農早失怙事母姚盡孝鄰居夜失火將延及其廬以老母未出借弟雙和從烈焰中負母奪門出面髮俱焦不顧也汪明府祖綬吳廣文鳳昌給孝感獎額獎之

旌表

常昭合志稿

卷二十九

人物八

孝友

吳

續錄 同治年旌

陸榮昌常熟人補郡廩生能文兼工詞賦父榜香有田六百畝

議分授五子榮昌請於父曰兄若弟皆多子女累盡以所分

者哀益之父曰能如是真吾子也出五十畝畀之榮昌以父

命勉受其半卒年二十八

旌表 續錄

張贊堯字星卿常熟人蚤失恃事父服勞必謹工詩文試屢蹶

僅取僭生旋感疾自知不起謂父宜早定嗣勿為兒悲遂卒

贊堯性誠篤力求儒先義理嚴於律已每夕必填功過格雖

遭寇亂不輟卒前一夕猶強起握管其勤苦如此

程元燾 撰傳

孫士成慶凝沙北小埭人父鶴興本姓徐贅於孫遂承其姓年

十九父沒慟哭誓殉族戚責以大義乃強進飲食事母教弟
孝友備至未幾母又患蠱疾醫藥罔效士成斷指煎湯禱神
以進母疾竟不起大慟絕而復蘇者屢抑鬱成疾踰年卒時

同治十一年三月也

陸元燾撰傳

薛榮泰字芝巖常熟人事母至孝嘗割臂療親疾毛學使式郇

林學使天齡先後給匾獎勵

邵淵耀撰傳

光緒年旌

胡元豐字濂溪常熟人父良瑞性仁厚鄉里稱長者元豐援例
爲浙江巡檢念父老不出父病劇露禱請代割股肉和藥進
病旋瘳及父沒嘔血盈升絕而復蘇仲兄自皖歸稽首兄前
曰喪葬事兄好爲之遂絕年三十四當父病時天寒甚庭中

常昭合志稿

卷二十九

人物八

孝友

聖

積雪如山而元豐躑躅內外不知蓋其心甘死久矣光緒年

旌

家述

鄧開洲字起南梅李人父鐘嗣伯父鏐嘉慶間在郡聞本生父
疾星夜解維遇盜砍傷左手力疾侍奉次年父歿哀毀骨立
創發遂卒年三十五距父歿旬餘

張潤字思義梅李人年十二應童子試聞父病亟歸侍湯藥寢
食俱廢及歿一號幾絕殯後束草卧棺側慙雨寒暑母虛病
危疏禱願減算益母壽割股和藥進母竟愈妹適舅族家漸
落潤承母意迎歸周卹之堂弟湛貧無立錐割宅與之值五
百金且書券爲據其敦睦如此

衛至達昭文人孝事節母母疾刲臂以進病墮令妻哺以乳病
目與妻朝夕互飮之葬父返舟覆抱母抵岸鄰家火從烈焰
中救母出母歿廬墓三年爲母請旌築祠建坊

徐士芳昭文人讓產於兄弟而已獨養母不怠母病跪奉湯藥
常代弟償債并挈與同居友愛彌篤

唐德隆昭文人父疾侍奉無間寒暑衣不解帶自厭糟糠而以
傭工助甘旨父歿借貸以歛及歸償戚友或却之曰此項不
償何以對先人

蘇遵常熟人事節母先意承志母病叩天請代謂必延一紀始
合旌例果逾十二年卒力爲曾祖及母請旌并築祠建坊

常昭合志稿

卷二十九

人物八

孝友

吳

曹通岐常熟人母雙瞽臥牀傭工以養日必歸省母病歌唱以
解母憂母歿殮費不受人贈而傭以償焉

何鏞昭文人國學生母以哭夫失明鏞跪飮兩旬而愈承父志

建祠贍族

自鄧開洲以下
並咸豐年旌

殷景雲常熟人按經歷銜性篤孝父病割股以療母歿屢欲從
死宗黨勸慰苦少解而孺慕不衰

陳應祖常熟人年十一父學銓歿夙逋盈千廼嚙血書券貸資
以殯殮繼母楊病且老應祖泣嘗糞禱於竈神病良已及歿

斷食三晝夜迨合葬北山雖大風雨必往哭並同治年旌

趙允璋昭文人父元英母衛幼有至性祖母陸鍾愛之粵寇之

亂父奉祖母避東鄉城陷子身負母從水關出至父所父已聞變徙滬賊至匿母稻田中覓食養母至滬父又遷江北遂備書供母城復歸路遇賊以身翼母曰殺吾母傷吾母賊義而釋之至蕩口母卒不食五日會兄自錫至張目曰母柩得返祖塋矣願葬我於母側遂瞑年二十二

張孝先昭文人早失恃父廷珍屢空孝先日進游憩資或貸於人不令父知出入必扶持之父年近八旬未嘗一日憂嘗語人曰吾家貧而得優游歲月賴此子也里黨咸稱其孝

王錦明昭文人父紀愷早卒奉節母陳極孝母病危禱於神割股煎湯飲之即醒

常昭合志稿

卷二十九

人物八

孝友

吳

鄧裕明昭文人業賣錫父憲文不慣食貧裕明隱察其情必求所欲敬進之母顧病親嘗湯葯躬滌厠膾或憐之曰此吾分

內事何足異以故家雖貧二老終怡然

自殷景雲以下並同治年旌

孫邦培字育藩昭文人父早卒母朱守節邦培爲人傭書出常晏主者陰伺之則爲母親滌穢器入市求物雖屢易不憚煩或勞之曰吾事母久易他人不必中母意敢言勞哉

周定榮昭文人父萬倉母陳編竹爲業母歿後炊曰滌穢定榮力任之晨起爲父具飲食資乃出囑婦以孝養爲先父卒無歛借貸工錢以殯訓導楊給葬資以獎其孝

顧煥章昭文人少孤業農侍母陳刻不離人與之食不敢先嘗

必以奉母及疾污穢親滌母卒哀毀幾滅性人咸稱孝云
平聯奎昭文人家貧無兄弟父瑞金早世母邵撫之成立習香
業母多病竭力服勞遇肉食輒以奉母晨滌穢夜母寢乃就
牀下和衣睡病篤於龕前焚禱經兩月餘形銷骨立戚里咸
憐之訓導楊清澤爲立傳

李大全字誠之董浜人年十一父恆章得寒疾醫束手大全焚
香露禱割臂以進病卽愈

蘇福祥常熟人粵賊陷城父被害福祥在城外聞耗亡命竄入
覓尸哭累土誌之並前停數棺掩畢伺間逸去

薛世昌洞港涇人母石瞽率妻子辟糞食粗糲而膳母必精且

常昭合志稿

卷二十九

人物八

孝友

辛

潔母壽八旬外神色不衰

諸國鈞字輔三昭文徐市人七歲喪父曾大母邵節坊基被占
國鈞年十四稟官親勘得復請旌大母歸母徐兩世節行母
歿三日不勺飲尋卒遺命以麻衣歛

程炳德常熟人父疾禱天請代父愈而炳德驟病卒年十八
曹洪升昭文徐市人縫衣爲業假傭直勉治父喪割股療母登
大耋已壽亦將八旬

王大年昭文徐市人爲漆匠受直易果歸娛寡母天寒無煖具
則身溫牀席待母寢乃退

丁鳳池常熟人太常博士親歿憑棺慟幾絕遵父命置田贍族

丁秀莊常熟諸生醫母病廢寢食忌日素服祭必泣
趙壽柏常熟人禱父疾不效母在未果殉砥母目累月得復明
母歿三日不舉火泣毀浹月卒

李尚華字雲亭常熟人國學生性友愛念兄多累以所分遺產
資之里黨咸高其義

季涵字子鈞昭文人國學生世業賈父鍾嗣叔父鏞鏞謹厚喪
偶不再娶老畏寒涵於冬令必襪其背鑪其足然後熏衣衣
之以爲常鏞壽九十九涵哀毀成疾卒

黃康年字秋農昭文人早喪父母賴大父母撫養大父染疫割
臂療之犬母病禱求身代數月獲瘥而已疾作遂卒同治間

常昭合志稿

卷二十九

人物八

孝友

五

旌順孫

殷校昭文人國學生母陳患癱疾扶持不憚其煩洗滌不嫌其
穢母卒盡哀盡禮至今父老猶稱道其孝弗衰

邱鵬昭文人國學生中書科中書銜粵賊陷城負母顯逃遇賊
欲害母鵬護母被刃卧葦岸母乘間逸比明妻女撫母尋至
灌以熱湯始甦

呂兆淇昭文人奉母至孝母目失明每晨以舌舐拭得復明皆
以爲孝感

蘇文澤常熟諸生廩生煥子父早歿母薛撫養成立家貧文澤
事母盡孝母卒竭力營葬身無立錫以哀毀過甚卒

俞濟安常熟人父鍾碩母胡嘗割股療母嗣胞叔鍾礪礪疾亟誓以身代礪愈濟安竟卒年十六

繆岐號柳村常熟人布理問善刀圭術父佩珩病篤以建莊贍族爲囑岐遵遺命成之事繼母尤謹母病籲天請代母歿哀毀致疾卒

沈埭字月帆常熟人附貢兵部主事父庭賜病侍奉湯藥必嘗而進病篤焚香禱天願減算益親壽事母丁亦如之居喪哀毀逾恒父嘗置田擬建莊歿後田歸弟埭恐無以承父志遂折遺田之半並妻錢奩田成之

周坤梅李人年十四喪父傭工養母遭亂母目失明坤每晨以常昭合志稿卷二十九 人物八 孝友 至 舌舐之越三年目復明

徐家纘字麗生昭文人幼有孝行親遭拂意事多方嬉戲以解之母病篤泣日割親遺體以治親病吾不忍也乃日夜禱天願身代母愈而疾作閱七日卒

謝文齡昭文人父德基歿母高文齡事之孝每晨必親具滫瀡夜則母寢然後寢母病肝劇割股進頓愈母歿哀痛欲絕寢苦枕塊者數月父素有建莊贍族之志力未逮文齡繼成之按旌表三錄光緒十七年後兩邑續 旌追 旌孝子順孫

除事實已見孝友志中不復錄餘按 旌年附記于左

丁大麟 監生度子母 疾四次割臂 沈文桂 福基子冠亂負母李避海濱 病劇割股療之得愈母歿號

痛嘔血

瞿雲柏

從九品父潮母謝
曾割股療父疾

狄原長

字載維五品
贈職嘗割股

療親

查祖成

監生錦堂子母歿祖成亦失偶父子鰥居州
依爲命本鄉居父入城必追隨之父病不解

帶者七

黃嘉柱

字安甫早孤事母陶無敢擅割股療母病
得愈而嘉柱忽疾作屬婦善事母母殉乃

卒曾撥田百四十畝
勸立大義橋義塾

屈忠恒

庠生父佩芷病篤忠恒告諸
兄弟曰吾以身代父願兄弟

善守父母遂禱于祖
先而父愈忠恒旋卒

屈賡星

庠生訓導家琪子父病
天乞代父愈而賡星卒

潘其永

洞庭山人居常熟父守訓病割肉和藥進不起
號泣勺飲不入口以喪葬事囑弟一慟而絕

張

式

監生金賈人居常熟早孤事母詹得歡心長有文名大吏
以幣聘賦詩卻之有母老出入見相扶之旬母歿哀毀卒

屈見復

湖南巴陵鹿角主簿父佩芷官台州通判歿于任
所扶柩歸里哀感行路葬後廬墓三年母病籲天

請代

張國寶

明庠生字客凡乙酉兵至國寶捧祖父木主端
坐家堂加以刃不動遂觸柱死人以爲死孝追

張晟

字君厚年未冠乙酉兵至囑兄奉父允貞
避于祖墓已獨留父免晟自剄追

沙

常昭合志稿

卷二十九

人物八

孝友

三

孝子

居邑之小長沙雍正十年海潮溢孝子伏父棺隨流三
晝下至塘橋棺觸高阜而止孝子已瀕危遇救得與土

人誥之感其孝
捐高阜以葬之

王氏二孝子

家傍海堰雍正十年潮溢伯
仲排父寢門欲扶之出避父

已入旬起稍遲而屋已覆父不知所
在伯仲入水尋之皆死並追

譚國棟

長之子母高
目雙瞽國棟

日誥之

陳琳

武舉人父紹珍母譚病亟琳刺
血書疏籲神請代母愈琳旋卒

許慎言

世

子母瞿病三載日夕籲
天請代母愈而慎言卒

徐承恩

東興沙人訓蒙爲業事親
孝雖風雨夜歸不踰晷刻

親疾憂形于色親歿哀
毀逾恆鄉里重其孝行

許豐

庠生岐子母黃居貧砥行業
賈入市得百錢便易甘旨奉

親風雨寒

某孝子

旺兒橋人遭母喪日
卧柩側經年不懈

李克宗

喪母哀
痛每飯

必泣者三年父病篤
籲天請代割臂療之

錢喬欽

廷榮子母病割股兩次母
歿水漿不入口三日卒

陳富恩

父梅岡遇賊被賊
富恩哀痛不食死

金文榮

母程病危日夜禱天
願代母愈文榮竟卒

屈步瀛

字琴涵候選縣丞父廷壑病割臂
不履步瀛哀毀不食幾至滅性

吳家植

字訥盒
訓導鴻

綸長子爲祖母 病兩次到股 屈欽 字駕生庠生父坦之甲申殉難欽亦

葬佛水巖下廬墓三年有烏鵲 通窺之異人咸謂孝感感追 屈鴻業 字文苑恩貢知縣

得干後母張鴻業益加敬兩弟張出友愛彌篤初母秦葬北 郊茹塘橋形家言下有寒泉法當絕歲久不可遷父與後母

改卜葬鴻業悲憤成疾誠其子成性成標曰吾母酷罹水葬 人子所不忍言誓以殉寒泉吾無恨矣七十八歲卒子遵遺

誠耐葬茹塘人號爲 寒泉孝子追旌 張贊奎 翁生八歲哭母卹成人寇亂

出家產蕩然課 計四喜 業農玉山季子家貧分居輪食四 喜甫冠負販得值攜歸奉親父好

飲博夜不歸必詢所在 瞿錦華 父肇芳早卒哀慕不已 之父母歿哀哭感疾卒 寇亂賊陷負母從水關

出途遇賊欲刃其母錦華挺身請代賊義 凌雲 明諸生父 釋之母病刲股得瘰母歿治葬繼于墓所

願減肅以益算母疾亦如之親歿終身 葉福疇 字紹基舉 不茹葷不衣采里黨尊爲孝介先生 人如金孫

侍祠父母母能蓋孝道父歿 陳洪疇 字少嵐庠生母博歿 哭暈仆地嘔血盈升踰月卒 哀毀欲絕時父疾未

常昭合志稿

卷二十九

人物八 孝友

壽

愈惡傷親心不敢勸父 呂介福 字靜山監生寇亂介福負 幸躡踊哀泣以喪卒 祖母與母奔避父國華禦

賊被執欲授以偽職介福聞之齎貲百計給之曰宥我父我 當任之賊釋之以爲職授介福乃稟父曰兒之計代者求父

生耳屬妻徐善事祖母與 張士恆 號二泉監生延年子遵 父母仰藥卒父亦不食死 父命繼李家橋張翁翁

晚生子而延年子八人多亡故翁乃命歸宗後翁故子亦卒 士恆爲翁營葬臨終遺命慎守之子孫春秋展墓與有後同

趙祿 字慎卿再思從弟母疾刲臂進 王尚祐 字堯賓父 讓產于兄恆至斷炊處之怡如 之言母陳

病歿號泣欲殉父止之嘗盜刲其家父被執跪請曰盜得我 毋傷父盜感其孝釋之父病危刲股療之得瘰父歿廬墓三

年 胡傳緒 父宗昭以囊辦鳳練負債累疊傳緒承母命駕 田償之母病篤割股療之得愈如是者三皆立

效 嚴應奎 附監生按經歷母疾籲天願減算益母壽 朱 母歿寢苦哀號如嬰兒葬後結廬守墓

敖 父大章病牙疳在太倉醫告言不治敖冒雨歸里訪石泉 李醫善刀圭術涕泣求治稱藥量水不假人手時爲撫摩

月餘 陸澍 山東縣丞檢討懋宗子母彭 高增福 父裕南 得瘞 歿哀毀致疾卒以上常熟人 病亟割

股弗瘳吳 俞德基 職監生父焯致仕歸邑蓬無少解冠亂
父致疾卒 幸母避海濱母歿擗踊哭泣斂畢得疾

送劇越 胡士瀛 庠生父廷鈞病篤願天割股得愈嗣又疾
二日卒 刺胃前正心二字以血和藥進亦效三年

父歿哀毀成癯疾臨 凌鴻達 庠生拱辰子父患疽鴻達方
終囑弟善事母卒 弱冠醫禱備至不解帶者四

旬父得愈積 王桂 居寨角早失怙恃長兄克明撫養成立
勞致瘵卒 佳事兄如父祖遺田產悉讓兄種竹養

魚以給兒歿 程錫詔 監生仲兄敷詔館淮海父年老多病
哀毀如喪親 錫詔究心脈學侍奉一身任之父歿

悉以餘財讓兄兄歿遺三女皆擇嫁事寡嫂 歸榮壽 字叔
尤敬禮兩姊嫁而寡貧無所依迎養終身 冠亂流離奉母甘旨不

貧奉母黃色養惟謹母歿 張葆中 庠生父早世昆弟友愛
水漿不入口十餘日卒 寇亂流離奉母甘旨不

缺嗣以母老且病謝絕時事依依庭 汪迪蕙 字銘湘愷恩
幃母壽八十終哀毀逾恒歿于廬墓 子母疾祈天

割股以 程繼潤 父病 王宗祺 字君綸監生登福子父病
進得瘳 割股 割股得瘳父卒哀勞過甚

略血 張懋昭 早失怙恃祖母羅年老多病懋昭侍奉惟謹
卒 病篤延醫禱告衣不解帶及歿喪葬盡禮

清昭合志稿 卷二十九 人物八 孝友 五

趙永金 善事兩親父歿痛不欲生恒以兄弟負擔謀生無
力合葬父母為憾當壯時或勸之娶答曰兄已娶

弟出養家僅屋一間吾娶置父于何所我 劉關學 父福堂
復不願離文別居也至性過人有如此 早歿母

于年老多病關學擔水為業日得錢百餘藉養母 王文需
足疾不能力作丐乞以養婦被殺化亦知孝道

字介眉中書科中書有孝行修宗譜葺祖塋建祠 王錫麒
以妥先靈遵父遺命捐義田五百畝祭田二百畝

字心城孝子尙祐五世孫母姚 陶嘉祥 字心耘太常典簿
病所割股得瘳以上昭文人 事親至孝侍母疾

厠滄完濯事必躬親父景澹海州訓導 併俸購產欲贖貧族嘉祥承志追成之